



Dárbbášatgo sámegiela ja kultuvrra vuhtiiváldi veajuiduhttima?

Fielbmá – sámegielat mielladearvvasvuodaveajuiduhttin lea oaivvilduvvon 18–67-jahkásaš sámegielagiidda dahje sáme-kultuvrra mielde veajuiduhttima dárbbášeaddji áššehasaide, geain leat mielladearvvasvuoda hástalusat.

Máŋggaámmátlaš veajuiduhttimiin ulbmilin lea áddet hástalusaid, mat bohtet trauma- ja mielladearvvasvuoda váttisvuodain, ja veadjima, doaibmannávcca ja árggas birgendáidduid nanosmuvvan. Bálválu sáhtá ollašuhttot oktagaslaččat ja njuovžilit árgabeaivvi birrasis, bálválu buvttadeaddji doaibmabáikkis dahje gáiddusoktavuodain govvatelefonságastallama bokte. Veajuiduhttin sisttisdoallá sihke persovnnalaš ja joavkodeaivvademiid ja das váldo vuhtii áššehasa lagasolbmot ja eará lagasbiras.

Geasa veajuiduhttin heive?

Sámegiela mielladearvvasvuodaveajuiduhttin lea oaivvilduvvon 18–67-jahkásaš olbmui, geas lea gávnnavuvvon muhtun dain:

- láivves dahje gaskadási váttis šlundivuohta
- átestusgiksi
- guovtteguvllot mielladillemolsašuddan
- traumavuđot streassahehttehus dahje juoga eará traumai laktáseaddji guhkesáigásaš dávdamearka.

Veajuiduhttin heive rávesolbmui,

- gean vuosttas muttu dikšunbadji lea nohkan dahje gean dilli lea muđui stáđásmuvvan
- gean dearvvasvuodadilli lea dakkár, ahte son sáhtá oassálastit veajuiduhttimii ollásit
- guhte dárbbáša guhkesáigásaš ja mánggahámat veajuiduhttima doarjaga ja bagadeami
- guhte dárbbáša doarjaga oahpuide dahje bargoeallimii dahje daidda máhccamii
- geas leat váttisvuodát sosiálalaš dáidduin dahje árgga hálddašeamis.


Ná ozat veajuiduhttimii

Vállje ohcanskovis **Guorahallanvuloš veajuiduhttin (KU 132sme, pdf)** veajuiduhttinkursa molssa-eavttu ja deavdde ohcamušas ohcci dieđuid lassin čuoggáid 2–8. Bálvallussii ii gula idjadansadji.

- Ohcamuša čuovusin dárbbášat almmolaš dearvvasvuodafuolahusas dahkkon B-cealkámuša dahje eará medisiinnalaš čilgehusa, mii sisttisdoallá vástideaddji dieđuid. Veajuiduhttin lea oaivvilduvvon áššehasaide, geain lea gávnnavuvvon láivves dahje gaskadási váttis šlundivuohta, átestusgiksi, guovtteguvllot mielladillemolsašuddan, traumavuđot streassahehttehus dahje juoga eará traumai laktáseaddji guhkesáigásaš dávdamearka.
- Sáhtát sáddet ohcamuša Kelai elektrovnnalaččat MuKelas.
- Ohcamuša sáhtá sáddet Kelai maiddái poastta mielde čujuhussii Kela, PL 10, 00056 KELA.
- Jos dárbbášat veahki ohcamuša deavdimii dahje dus lea eará jearramuš, sádde oktavuodaváldinbivdaga čujuhussii **saame@kela.fi**.

Loga lasi


Suomagillii:



Davvisámegillii:



Anárašgillii:



Nuortalašgillii:

